

II - ARABAKO LURRALDE HISTORIKOAREN TOKI ADMINISTRAZIOA

ZIGOITIKO UDALA

Behin betiko onartzea euskararen ikaskuntzarako eta euskaren ezagutza eta ikaskuntza bultzatzen dituzten proiektuetarako dirulaguntzen oinarriak arautzen dituen ordenantza

Udalbatzak, 2016ko apirilaren 20ko osoko bilkuran, hasierako onarpena eman zion euskararen ikaskuntzarako eta euskaren ezagutza eta ikaskuntza bultzatzen dituzten proiektuetarako dirulaguntzen oinarriak arautzen dituen ordenantzari. Erabaki hori jendaurrean egon zen bitartean ez zen haren aurkako inolako erreklamaziorik aurkeztu; beraz, erabakia behin betiko bihurtu da, apirilaren 2ko 7/1985 Legeak, toki araubidearen oinarriak arautzen dituenak, 49.c) artikuluan xedatzen duenarekin bat etorritz.

7/1985 Legeko 70.2 artikuluan xedatzen dena betetzeko, osorik argitaratzen da behin betiko erabakia, eta argitaratzen denetik aurrera aplikatuko da.

Erabaki honen aurka administrazioarekiko errekurtoa aurkeztu ahal izango da Euskal Herriko Justizia Auzitegi Nagusiko administrazioarekiko auzien salan, iragarki hau argitaratu eta hurrengo egunetik bi hilabete pasatu baino lehen, uztailaren 13ko 29/1998 Legeak, administrazioarekiko auzien araubidearenak, 46. artikuluan xedatzen duenarekin bat etorritz.

Nolanahi ere, bidezkotzat jotzen den beste edozein errekurto so aurkez daiteke.

EUSKARAREN IKASKUNTZARAKO ETA EUSKAREN EZAGUTZA ETA IKASKUNTZA BULTZATZEN DITUZTEN PROIEKTUETARAKO DIRULAGUNTZEN OINARRIAK ARAUTZEN DITUEN ORDENANTZA

1. artikulua. Dirulaguntzen xedea

Ordenantza honen bidez honako hauek eragiten dituzten gastuak ordaintzeko dirulaguntzak emateko arauak ezartzen dira:

- Euskararen ikaskuntzak.
- Euskaren ezagutza eta ikaskuntza bultzatzen dituzten proiektuek.

2. artikulua. Onuradunak

Dirulaguntza hauen onuradun izan daitezke:

- Euskararen ikaskuntzarako dirulaguntzak:

Ondoko betekizunak betetzen dituzten pertsona fisikoak:

- a) Zigoitiko udalerrian erroldatuta egotea ikastaroa hasten denean eta hala segitzea amaitu arte.
- b) 16 urte edukitzea ikastaroan izena ematean.
- c) Helduen Alfabetatze eta Berreuskalduntzerako Erakundeak (HABE) onartutako euskaltegi batean edo Udako Euskal Unibertsitatean (UEU) matrikulatuta egotea.
- d) Gutxienez ikastaroko orduen ehuneko 80an izatea.

Dirulaguntza bat eskatu ahal izango da deialdian zehazten den aldian egiten den ikastaro bakoitzeko.

- Euskaren ezagutza eta ikaskuntza bultzatzen dituzten proiektuetarako dirulaguntzak:

Euskara sustatzen duten irabazteko asmorik gabeko entitateak, nahiz eta euskara sustatzea ez izan entitatearen xede nagusi bakarra, baldin eta entitatearen jardunak Zigoitiko udalerriri eragiten badio, egoitza bertan ez eduki arren.

Egoitza Zigoitian duten irabazteko asmorik gabeko entitateak Zigoitiko Udalerriko Elkarleen Erregistroan inskribatuta egon behar dira; aldiz, egoitza Zigoitian ez dutenak EAEko Elkarleen Erregistro Orokorrean edo EAEko Kirol Entitateen Erregistroan egon behar dira inskribatuta.

Dirulaguntza eskatzen duena nortasunik gabeko pertsona fisiko edo juridiko publikoen zein pribatuen elkarte bada, eskaeran eta dirulaguntza ematen duen ebazpenean berariaz agertu behar dira elkarteko kide bakoitzak hartzen dituen gauzatze konpromisoak eta bakoitzari aplikatuko zaion dirulaguntzaren zenbatekoa (kide guztiak izango dira dirulaguntzaren onuradunak).

Dirulaguntza eskatzen duten pertsona fisikoek zein entitateek egunean eduki behar dituzte beren zerga betebeharrak eta Gizarte Segurantzarekikoak, bai eskaera aurkezten denean, bai prozesu osoan (dirulaguntza ematea eta ordaintzea).

3. artikulua. Deialdiaren publikotasuna

Deialdiaren laburpena argitaratuko da ALHAOn, Dirulaguntzen Datu Base Nazionalaren bitartez.

Eskaera aurkezteko epealdiak laburpena ALHAOn argitaratzen den egunetik aurrera zenbatuko dira.

4. artikulua. Dirulaguntza jaso dezaketen jarduerak

— Euskara ikastaroen matrikula gastuak (udako ikastaroak, ikastaro trinkoak eta barnetegiak ere bai).

Ondoko gastu hauek ez dira sartzen, mota guztietako ikastaroetan: joan-etorrien gastuak, mantenu gastuak eta ostatu gastuak.

— Euskaren ezagutza eta ikaskuntza bultzatzen dituzten proiektuen antolaketak eragiten dituen gastuak.

5. artikulua. Eskaerak aurkeztea

Euskara ikasteko dirulaguntzen eskaerak aurkezteko epealdia urteko deialdian ezarriko da (eskaerarekin batera hurrengo oinarrian azaltzen den dokumentazioa aurkeztu behar da).

Euskaren ezagutza eta ikaskuntza bultzatzen dituzten proiektuetarako dirulaguntzen eskaerak proiektua hasi baino hilabete lehenago arte aurkez daitezke. Nolanahi ere, urteko deialdian ezarriko da eskaerak aurkezteko gehieneko epealdia.

Eskaerak aurkezteko Zigoitiko Udalaren erregistrora joan daiteke edo, bestela, Herri administrazioen araubide juridiko eta administrazio prozedura erkidearen Legeak 38.4 artikuluan azaltzen dituen bideak erabil daitezke.

Dirulaguntza eskaera bat aurkezteak berekin dakar oinarri arautzaile hauetan ezartzen dena berariaz eta modu formalean onartzea.

6. artikulua. Eskaerarekin batera aurkeztu beharreko dokumentazioa

— Euskara ikasteko dirulaguntzak:

1. Udalak emandako eskaera ofiziala.

2. Ikastaroa egin den ikastetxeak emandako ziurtagiria, datu hauek argitzen dituena: ikastaroa hasita edo amaituta dagoen; ikastaroaren orduak, guztira; ikaslearen asistentziaren ehunekoa; ikastaroa noiz hasi den eta noiz amaitu den; matrikularen guztirako kostua.

Eskatzailea barnetegi batean izan bada, banakatuta zehaztu behar dira matrikula gastuak, mantenu gastuak eta ostatu gastuak.

3. Matrikula ordaindu dela frogatzen duen agiria.

Ikastaroa nork bere kabuz egitekoa izan bada:

1. Udalak emandako eskaera ofiziala.

2. Irakaskuntza zentroarekin sinatutako kontratuaren kopia, datu hauek biltzen dituen: matrikularen zenbatekoa, kontratuaren iraunaldia, emandako orduen kopurua, landutako mailak eta gainditutako maila.

3. Matrikula ordaindu dela frogatzen duen agiria.

4. Ikasten gutxienez 152 ordu edo, bestela, HABEK ikastaroa autoikaskuntzat jotzeko eskatzen dituen orduen ehuneko 80 eman direla frogatzen duen agiria. Hori dela eta, elkarriketetan, tutoretzan eta banako lanean egiten diren orduak zenbatuko dira.

– Euskaren ezagutza eta ikaskuntza bultzatzen dituzten proiektuetarako dirulaguntzak:

1. Udalak emandako eskaera ofiziala.

2. Proiektuaren memoria; datu hauek zehaztu behar dira: egingo diren jarduerak eta lortu nahi diren xedeak eta helburuak.

3. Proiektuaren gastuen eta sarreraren aurrekontua.

7. artikulua. Dirulaguntzak emateko prozedura

Dirulaguntzak emateko prozedura norgehiagoka izango da.

8. artikulua. Dirulaguntzaren zenbatekoa

– Euskara ikasteko dirulaguntzak: Matrikuluaren kostuaren ehuneko 100 edo, ondoko taulan ikastaro mota bakoitzerako ezarritako gehieneko kopurua, matrikularen kostua gehiago izanez gero:

IKASTARO MOTA	GEHIENEO DIRULAGUNTZA
Ohiko ikastaroak (urritik ekainera, 2-3 ordu egunean)	850 euro ikastaroko
Ikastaro trinkoak (urritik ekainera, gutxienez 5 ordu egunean)	1.250 euro ikastaroko
Barnetegiak (gutxienez 5 ordu egunean)	150 euro hilean ikastaroko
Autoikaskuntzako ikastaroak (urritik ekainera)	650 euro ikastaroko
Ikastaro mota	Gehieneko dirulaguntza
Udako Euskal Unibertsitateko ikastaroak	150 euro ikastaroko

Baterako dirulaguntza eman ahal izango da ohiko ikastaroak eta barnetegiak egiteko, baldin eta denek badituzte helburu akademiko berak.

– Euskaren ezagutza eta ikaskuntza bultzatzen dituzten proiektuetarako dirulaguntzak: Proiektuaren kostuaren ehuneko 100, gehienez; dirulaguntza ezin da izan urteko aurrekontuko aplikazio egokian ezarritako diru kopurua baino gehiago.

Proiektua finantzatzeko beste erakunde baten laguntzaren bat jaso dela edo bestelako sarreraren bat erabili dela jakinez gero, emandako dirulaguntza aldatu ahal izango da, gastuen eta sarreraren behin betiko likidazioaren emaitzako defizita estaltzen duen zenbatekoa izan dadin.

9. artikulua. Dirulaguntzak emateko prozeduran eskumena duten organoak

9.1. Espedientea instruitzeko eskumena daukan organoa eta ebazpena emateko eskumena daukana.

Espedientea instruitzeko eskumena daukan organoa euskararen arloko zinegotzitza da.

Ebazpena emateko eskumena alkatetzak dauka; aurretik ezinbestekoa da kontuen, bilkure-tako gaiak prestatzeko eta Gobernuaren kudeaketari buruzko informazioa emateko batzorde bereziak aldeko irizpena ematea.

9.2. Aztertzea eta ebaztea.

Espedientearen instrukzioan lan hauek egingo dira:

– Ebazpena emateko beharrezkotzat jotzen diren txosten guztiak eskatu, besteak beste kulturako teknikariei eta idazkari kontuhartzaileari.

– Eskaerak ebaluatu, oinarri arautzaile hauetan baloraziorako finkatzen diren irizpideak aplikatuz.

Eskaerak aztertu ondoren espedientea kontuen, bilkure-tako gaiak prestatzeko eta Gobernuaren kudeaketari buruzko informazioa emateko batzorde bereziari helaraziko zaio, txostena egin dezan.

Espedientea eta kide anitzeko organoak egindako txostena aztertutakoan organo instruktoreak behin betiko ebazpena proposatuko du: zer eskatzaileri eman behar zaien dirulaguntza, dirulaguntza bakoitzaren zenbatekoa, ebazpenerako egin den ebaluazioa eta horretarako erabili diren irizpideak.

Alkatetzak dirulaguntzak emateko ebazpena emango du, arrazoiak azalduta. Ebazpenean hau egin behar da gutxienez: dirulaguntza nori ematen zaion eta nori ukatzen zaion zehaztu.

4 hileko epealdia egongo da ebazpena emateko, eskaerak aurkezteko epealdia amaitzen denetik aurrera. Ebazpena epealdi horretan ematen eta jakinarazten ez bada, eskaera ezetsizat jo behar da.

Ebazpenak administrazio bidea agortzen du. Beraz, berorren aurka administrazioarekiko auzi errekurtsioa aurkez daiteke administrazio auzietarako epaitegi nagusietan, uztailaren 13ko 29/1998 Legeak, administrazioarekiko auzibideetarako jurisdikzioa arautzen duenak, 8,1.c) artikuluan xedatzen duenaren ildotik. Horretarako bi hilabete izango dira ebazpena jakinarazten denetik aurrera.

Horren aurretik, gainera, errekurtsioa aurkeztu ahal izango zaio Zigoitiko Udaleko alkatetzari, hilabeteko epean, azaroaren 26ko 30/1992 Legeak, herri administrazioen araubide juridiko eta administrazio prozedura erkidearenak, 116. eta 117. artikuluetan xedatzen duenarekin bat etorritik (urtarrilaren 13ko 4/1999 Legeak finkatzen duen testua).

10. artikulua. Justifikazioa egiteko epealdia

Dirulaguntza jasotzen duten pertsonak eta entitateek hurrengo oinarrian azaltzen diren frogagiriak aurkeztu behar dituzte deialdian finkatzen den epealdiaren barruan.

11. artikulua. Pertsona eta entitate onuradunek aurkeztu beharreko frogagiriak

– Euskara ikasteko dirulaguntzak: seigarren oinarrian aipatzen diren agiriak dirulaguntzaren eskaera aurkezten denean eta deialdian horretarako berariaz finkatzen den epealdian aurkeztuko dira.

– Euskaren ezagutza eta ikaskuntza bultzatzen dituzten proiektuetarako dirulaguntzak: dirulaguntza jasotzen duen proiektua amaitzen denetik hilabete pasatu baino lehen (eta deialdian finkatzen den epealdia amaitu baino lehen) agiri hauek aurkeztu behar dira:

1. Proiektuaren memoria-likidazioa; datu hauek zehaztu behar dira gutxienez: egindako jarduerak, haietan parte hartu dutenen kopurua, proiektuaren balorazio orokorra, eta likidazio ekonomikoa (lortutako sarrerak eta egindako gastuak).

2. Gastua frogatzen duten fakturak (jatorrizkoak zein kopia konpultsatuak).

Gastuak frogatzeko ez dira onartuko ondoko datuak argi eta garbi ezarrita ez dituzten ordainagiriak, fakturak, tiketak eta gainerakoak:

- Emailea: izena edo sozietatearen izena, eta NAN edo IFZ.
- Hartzailea: egoitza eta IFZ (dirulaguntza jaso duen erakundea izan behar da).
- Gastuaren xedea.
- Data.
- BEZa: aplikatutako zerga tasa(k).

3. Egindako gastuen ordainagiriak.

12. artikulua. Dirulaguntza ordaintzea

Dirulaguntza dena batera ordainduko da, frogagiri guztiak aurkeztutakoan. Ez da emango aurrerakinik, ez konturako ordainketarik egingo.

13. artikulua. Dirulaguntza aldatzea

Dirulaguntza emateko kontuan izandako baldintzak aldatzen badira, hura emateko erabakia ere aldatu ahal izango da.

14. artikulua. Dirulaguntzen bateragarritasuna

Laguntza hauekin batera beste laguntza edo dirulaguntza batzuk ere eskura daitezke.

Udalak emandako dirulaguntzaren zenbatekoa, bera bakarrik zein beste administrazio, erakunde edo organismo publiko batzuek emandako laguntza zein dirulaguntzekin bat eginda, ezin da izan inolaz ere onuradunak egindako jardueraren kostua baino gehiago.

15. artikulua. Dirulaguntza itzultzea

Azaroaren 17ko 38/2003 Lege Orokorrak, dirulaguntzenak, 37. artikuluan arautzen dituen kasuetako bat gertatuz gero, onuradunak jasotako diru kopurua itzuli beharko du, eta gainera berandutze interesak ordaindu beharko ditu, hain zuzen ere dirulaguntza jaso duenetik dirua itzuli beharra ezarri arte sortutakoak.

16. artikulua. Onuradunen publikotasun betebeharrak

Pertsona onuradunek jasotzen dituzten dirulaguntzen berri eman behar dute, abenduaren 9ko 19/2013 Legeak, gardentasunari, informazio publikoa eskuratzeko bideari eta gobernu onari buruzkoak, ezartzen duen bezala.

Entitate pribatu batek urtebetean jasotako dirulaguntza publikoen zenbatekoa 100.000 euro baino gehiago bada edo urtebetean lortutako sarreraren ehuneko 40 edo gehiago laguntza edo dirulaguntza publikoak badira (5.000 euro gutxienez), aldian-aldian jasotako dirulaguntzei buruzko informazio eguneratua (zenbatekoa, xedea edo helburua, onuradunak) argitaratu behar du bere egoitza elektronikoan edo web orrian.

Interes sozial edo kultureko helburuak besterik ez dituen irabazteko asmorik gabeko entitate baten aurrekontua 50.000 eurotik beherakoa bada, bitarteko elektronikoak erabili ahal izango ditu publikotasun betebeharrak betetzeko, hain zuzen ere jasotzen dituen laguntza edo dirulaguntza publiko gehienak ematen dizkion administrazio publikoak beraren esku jartzen dituenak.

17. artikulua. Interpretazioa

Oinarri hauen interpretazioan sortzen diren zalantzak alkateak ebatziko ditu, kontuen, bilkuretako gaiak prestatzeko eta Gobernuaren kudeaketari buruzko informazioa emateko batzorde bereziak eta langile tekniko egokiak txostenak egin eta gero.

18. artikulua. Arau hausteak eta zehapenak

Dirulaguntzen arloko administrazioko arau hausteak dira azaroaren 17ko 38/2003 Lege Orokorrak, dirulaguntzenak, IV. tituluan aipatzen dituen egiteak eta ez-egiteak.

19. artikulua. Legeria osagarria

Oinarri hauetan xedatzen ez den guztirako ondokoak hartuko dira kontuan: azaroaren 17ko 38/2003 Lege Orokorra, dirulaguntzena; uztailaren 21eko 887/2006 Errege Dekretua, Dirulaguntzen azaroaren 17ko 38/2003 Lege Orokorraren arautegia onartzen duena.

20. artikulua. Azken xedapena

Indargabetuta geratzen da euskararen arloko dirulaguntzei buruzko ordenantza, Udalbatzak 2010eko martxoaren 4an egindako osoko bilkuran onartutakoa eta ALHAOn 2010eko maiatzaren 26an argitaratua (57. zenbakia).

Ondategi, 2016ko ekainaren 3a

Alkatea

MIKEL LAS HERAS MTZ. DE LAPERA